

Delegat Boris Krešić
Delegat Sandra Imširović *Sandra Imširović*
Bosna i Hercegovina
Federacija Bosne i Hercegovine
Parlament FBiH
Dom naroda
n/r predsjedavajućeg

Sarajevo, 18.10.2019. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 21-10-2019			
Org. jed.	Broj	Priloga	Vrijedno
02	- 02 -	1917	/19

X7

U skladu sa odredbama Poslovnika o radu Doma naroda Parlamenta Federacije BiH, podnosimo

AMANDMANE

na Prijedlog Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine

Amandman I

U Predloženom tekstu izmjena i dopuna Zakona o registraciji poslovnih subjekata u Federaciji Bosne i Hercegovine (Službene novine Federacije Bosne i Hercegovine „ br. 27/05, 68/05, 43/09 i 63/14) u članu 13. tačka 8 mijenja se i glasi:

„8) akt o osnivanju pravnog subjekta sadrži naziv, broj i datum akta, a potpis na istom ovjerava se od strane notara.

Amandman II

Član 2 mijenja se i glasi:

U članu 22. stav (1) tačka 2) i 3) mijenjaju se i glase:

„2) akt o osnivanju ovjeren od strane notara ili akt o izmjenama i dopunama osnivačkog akta registriranog subjekta upisa kojim se utvrđuje osnivanje odnosno izmjena bitnih podataka.

3) statut poslovnog subjekta, ovjeren od strane notara“

Amandman III

Član 3. mijenja se i glasi:

„ U članu 23. stav (1) tač. 2) i 3) mijenjaju se i glase:

2) akt o osnivanju ovjeren od strane notara

3) statut, ovjeren od strane notara“

Amandman IV

Član 24. stav (1) tač. 2) i 3) mijenja se i glasi:
„2) akt o osnivanju banke, ovjeren od strane notara;
3) statut banke, ovjeren od strane notara“

Amandman V

U članu 25. stav (1) tač. 2) i 3) mijenjaju se i glase:

„2) akt o osnivanju, ovjeren od strane notara;
3) statut društva, ovjeren od strane notara“

Amandman VI

U članu 26. stav (1) tač. 2) mijenja se i glasi:

„2) akt o osnivanju, ovjeren od strane notara“

Amandman VII

U članu 27. tačka 1 mijenja se i glasi:

„1) akt o osnivanju, ovjeren od strane notara“

Amandman VIII

U članu 29. stav (1) tač. 2) mijenja se i glasi:

„2) akt o osnivanju, ovjeren od strane notara
3) statut ovjeren od strane notara“

Amandman IX

U članu 30. riječi: „notarski obrađen ugovor o osnivanju“, zamjenjuju se riječima: ugovor o osnivanju ovjeren od strane notara“.

Amandman X

U članu 33. riječi: „notarski obrađen akt o izmjenama i/ili dopunama tih podataka“, zamjenjuju se riječima: „akt o izmjenama i/ili dopunama tih podataka ovjeren od strane notara“.

Amandman XI

U članu 36. riječi: „notarski obrađene izmjene osnivačkog akta“, zamjenjuju se riječima: „izmjene osnivačkog akta ovjerene od strane notara“.

Amandman XII

U članu 38. u stv. (1) i (2) riječi: „notarski obrađene izmjene akta o osnivanju“ zamjenjuju se riječima: „izmjene akta o osnivanju ovjerene od strane notara“.

U st. (3) i (4), riječi: „notarski obrađene izmjene i dopune osnivačkog akta odnosno statuta“, zamjenjuju se riječima: „izmjene i dopune osnivačkog akta odnosno statuta, ovjerene od strane notara.“

Amandman XIII

U članu 39. u stavu (7) riječi: „notarski obrađena izmjena i/ili dopuna osnivačkog akta“, zamjenjuje se riječima: „izmjena i/ili dopuna osnivačkog akta ovjerena od strane notara“.

Amandman XIV

U članu 42. riječi: „notarski obrađeni osnivački akti društava nastalih podjelom“ zamjenjuju se riječima: osnivački akti društva nastalih podjelom ovjereni od strane notara“.

Amandman XV

Ovaj zakon stupa na snagu narednog dana od dana objavljivanja u „Službenim novinama Federacije BiH“.

Obrazloženje

Predloženim izmjenama i dopunama *Zakona o izmjenama Zakona o registraciji poslovnih subjekata u Federaciji Bosne i Hercegovine* u članu .1 kojim se mijenja član 13. tačka 8; u članu 2. kojim se mijenja član 22. st 1, tačka 2 i 3; u članu 3. kojim se mijenja član 23. st. 1, tačka 2. i 3.; u članu 4. kojim se mijenja član 24. st. 1. tačka 2. i 3.; u članu 5. kojim se mijenja član 25., st. 1 tačka 2 i 3; u članu 6. kojim se mijenja član 26. st. 1 tačka 2; u članu 7. kojim se mijenja član 27. tačka 1; u članu 8. kojim se mijenja član 29. tačka 2 i 3; u članu 9. kojim se mijenja član 30.; u članu 10. kojim se mijenja član 33.; u članu 11. kojim se mijenja član 36. st. 1; u članu 12. kojim se mijenja st. 38 stav 1 i 2; u članu 13. kojim se mijenja član 39. st. 7 i članu 14 kojim se mijenja član 42. Predloženog Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine riječi *notarski obrađena isprava* u različitim padežima zamjenjena je riječima *potvrđena (solemnizirana) od strane notara*.

Ovakvo rješenje je neprihvatljivo jer se tom zakonskom odredbom ponovo daje ovlaštenje notarima da preduzimaju odnosno vrše notarsku obradu isprava. Takvo rješenje u suprotnosti je sa odlukom Ustavnog suda F BiH broj U-15/10 od 05.12.2015.godine koja odluka je objavljena u „Službenima novinama F BiH“ broj 30/2016 i kojom su odredbe člana 73. Zakona o notarima oglašene neustavnim, a kojom odredbom su bili propisani pravni poslovi koje je preduzimao notar sačinjavanjem notarski obrađene isprave i presudom Ustavnog suda F BiH broj U- 22/16 („Službene novine FBIH“ broj 32/19) utvrđene su neustavnim odredbe ovog Zakona u dijelu kojim je propisano da akti o osnivanju, izmjene i dopune tih akata, statut i drugi slični akti moraju biti u formi notarski obrađene isprave.

Međutim, u predloženim amandmanima od 1 do 15 riječi notarski potvrđena (solemnizirana) isprava od strane notara zamijenjene su riječima notarski ovjerena isprava, odnosno potpis na istoj. Predloženi amandmani u cijelosti su u skladu sa Ustavom, odnosno

naprijed opisanim presudama Ustavnog suda FBiH broj U-10/15 i U-22/16 kojim je utvrđeno da su odredbe člana 73. Zakona o notarima kojom je bilo propisano da, između ostalih pravnih poslova i poslovi izrade osnivačkih akata, izmjena i dopuna istih kao i izrade statuta, moraju biti izrađeni u obliku notarski obrađene isprave. Uz prednje, Presudom Ustavnog suda F BiH broj U 22/16 je utvrđeno da odredbe Zakona o registraciji poslovnih subjekata u F BiH u dijelu kojim je za punovažnost akata o osnivanju privrednih društava ili drugih pravnih lica, njihovih izmjena i dopuna moraju biti sačinjene u formi notarski obrađene isprave, nisu u skladu sa Ustavom F BiH. Iz obrazloženja Presude U-10/15 proizilazi da se tim odredbama omogućava diskriminacija u izradi akata pravnih lica o osnivanju izmjenama i dopunama istih kao i izrada drugih akata kao što je statut i slično, u odnosu na advokatsku djelatnost i druge pravne profesije ukazujući i na pravne službe u pravnim licima.

Predloženim izmjenama i dopunama ovog zakona samo su zamijenjene riječi „notarski obrađena isprava“, riječima „notarski potvrđena (solemnizirana) isprava“ u različitim padežima. U obrazloženju presude U 22/16 se decidno opisuje stanovište suda u kojem se ukazuje da je član 73. Zakona o notarima kao sistemski zakon bio osnov za donošenje posebnih zakona pa i ovog zakona. S tim u vezi, može se zaključiti da su predložene izmjene u suprotnosti sa naprijed citiranim presudama Ustavnog suda. Međutim, notarski potvrđena (solemnizirana) i notarski obrađena isprava može ostati mogućnost stranke da u postupku izrade potrebnog pravnog posla od notara zahtijeva solemniziranje isprave ili da notar sačini notarski obrađenu ispravu.

U amandmanima od 1-15 predloženo je da se kao pravno validna isprava smatra, odnosno akt o osnivanju privrednih društava i drugih pravnih lica, kao i njegove izmjene i dopune, te statut društva, odnosno pravnog lica koje sačine stranke putem svoje pravne službe a ovjeru potpisa na istim izvrši notar. Ovakvo zakonsko rješenje opravdano je iz sljedećih razloga:

- Prije svega, naglašava se da se privredno društvo osniva ugovorom o osnivanju ako društvo osniva dva ili više lica, ili odlukom o osnivanju ako društvo osniva jedno fizičko ili pravno lice. Ugovor je po Zakonu o obligacionim odnosima, na što ukazuje i Ustavni sud u obrazloženju svojih odluka, volja ugovornih strana, a iste sačinjavaju pravne službe ili sami osnivači u skladu sa zakonom, a sud u postupku upisa u registar pravnih lica kontroliše da li je odnivački akt sačinjen u skladu sa Zakonom o privrednim društvima i Zakonom o registraciji poslovnih subjekata u F BiH, pa je nepotrebno i suvišno da kontrolu sadržaja osnivačkog akta ili njegovih izmjena i dopuna vrši notar u postupku solemnizacije odnosno potvrđuje validnost sadržaja tog akta.
- Također se ukazuje i na novčane izdatke koje osnivač, odnosno pravno lice mora isplatiti notar za potvrđivanje ili solemniziranje privatnih isprava, a koja za ovu vrstu poslova po tarifama o regionu po Pravilniku o Javno bilježničkoj tarifi u Republici Hrvatskoj objavljenoj u Narodnim novinama broj 38/1994, 82/1994, 52/1995 i 115/2012 iznosi 50 bodova dok po toj istoj tarifi za ovjeru potpisa (legalizacija) notar ima pravo na nagradu u visini od 3 boda ili 40 kn, dok za solemnizaciju 1880,00 kn. Obračunato u KM notarska ovjera potpisa (legalizacija) u Republici Hrvatskoj na privatnoj ispravi stranku košta 11 KM, dok za notarsku potvrdu (solemniziranje) stranka plaća 522,22 KM. Ovaj iznos je određen kao 50% naknade za izradu javnog bilježničkog akta, odnosno notarski obrađene isprave. Cijena notarskih obrada, tj. ovjere potpisa ili solemnizacije je skoro ista ili nešto veća u Republici Srbiji i Republici Makedoniji. Cijena ovjere potpisa na aktima privrednih društava i ovjere punomoći za preduzimanje neke radnje je ista, tj. košta 40 kn ili 11 KM, a u F BiH po važećoj notarskoj tarifi za izradu ovih akata čiji je osnivački ulog do

50000 cijena iznosi oko 600 KM, bez dodatnih troškova koje notar obračunava kao materijalne troškove pa bi ova cijena bila viša od 800 KM. Međutim, ako se radi o većoj vrijednosti kapitala, taj se iznos uvećava srazmjerno visini dodatnog kapitala. Naglašava se da se ova tarifa iznosi na izmjene i dopune osnivačkih akata ili statuta.

U ovom periodu upravo se raspravlja o rasterećenju privrede na što svakodnevno ukazuje Udruženje poslodavaca, pa bi nametanjem troškova za izradu osnivačkih akata, ili veoma čestih izmjena i dopuna istih koje se pojave kao potreba pravno lice imalo nepotrebne novčane izdatke za solemnizaciju koje može samo izraditi i čiju kontrolu sadržaja vrši sud u postupku solemnizacije.

Zbog prednjeg, a cijeneći da su predloženi amandmani osnovani predlažemo ovom Visokom domu da iste usvoji.

Delegati Boris Krešić i Sandra Imširović

Sandra Imširović